

الراجل من غير كرش زي elgooG من غير hcraeS ! | د . حازم

شومان

حازم شومان

السلام عليكم ورحمة الله وبركاته. شبابنا وبناتنا ناس كثير اوي بيعتبروا ان الكرش ده حاجة مهمة جدا في الحياة. اول حاجة الكرش ده سند ممكن الشاب يحط اللاب توب بتاعه عليه. الحاجة الثانية ان الكرش ده ممكن يبقى عز كده والراجل مالي مركزه كده وهو ماشي في كل حنة. الحاجة الثالثة ان - [00:00:03](#)

الكرش ده مخزون طاقة يا شباب. يعني ممكن في اوقات صعبة ولا في الصيام ولا حاجة يخلي جسمك مليون طاقة. الحاجة الرابعة ان فيه عشرة عمر بينكم وبين بعض والندل هو اللي - [00:00:23](#)

كن صاحب العمر بقى واللي بينه وبينه عشرة والعشرة ما تهونش يعني غير على الناس اللي مش كويسة. حتى في العبادة. يعني يعني الواحد اللي له بطن كده تلاقية واقف في الصلاة كده حاطط ايده على صدره كده ساندها على بطنه كده واقف وهو مسنود يعني سنده يعني. يعني طبعا الكرش لا هو سنده ولا هو عز ولا هو اي حاجة من الكلام - [00:00:33](#)

وكل ده كلام فارغ يا شباب. الكرش ده اعاقه والكرش ده من اهم اسباب السكر. والكرش ده كل كيلو فيه بيتحمل تمانية كيلو على العمود الفقري. يعني واحد واربعين كيلو دهن في بطنه متحملين تلتمية وعشرين كيلو على العمود الفقري. طبعا هيجي له دسك وهي هتتعب ويفكر في بهدلة واعاقه. ولكن تعالوا نتكلم - [00:00:53](#)

بجد بقى فيه نقطتين اتنين. يعني لان فيه ناس بتعتبر الكرش ده قيمة في الحياة. طب انت بتعتبر ايه القيمة في الحياة؟ والسؤال الثاني ايه اولوياتك في الحياة؟ وايه هويتك في الحياة. فيه بنت تقول اولوياتي في الحياة. اول اولوية لي في الحياة. ان انا افضل جميلة لحد ما ابقى شت كبيرة عندي سبعين سنة. والناس تبص - [00:01:13](#)

علي وتقول ما شاء الله على الجمال بتاعك. ايه الجمال ده والطعامه دي! طيب والحاجة الثانية في اولويات حضرتك في الحياة. الحاجة الثانية في اولويات اما اتجوز بقى اخلف بنات جميلة واطفال جميلة زي بتوع البامبرز كده وتبقى عيال حاجة كده زي القمر كده وكله يبقى عايز ياخداهم ويوسهم ويحضنهم - [00:01:33](#)

دي تاني حاجة طب حضرتك تالت حاجة في اولادك في الحياة. تالت حاجة ان انا اجوز ريتش مان. شاب يكون غني جدا يعني مليون وجيبوا عمران ارواح اعمل شغل في اي مول ما يهمنيش مستوى المول اللي انا داخله. آآ اعمل اي شوبينج على راحتني. طب آآ ربنا رقم كم في ترتيب اولويات حدائق حياتك - [00:01:53](#)

ربنا رقم كم في حياتك ده ربنا بيقول هو الاول والاخر. طب انت اولوياتك في الحياة ايه؟ انا اولوياتي في الحياة. انا اولوياتي في الحياة. اول حاجة ان انا خلاص في المادة - [00:02:12](#)

اللي بقى لي خمستاشر سنة فيهم اللي مش عارف اخلص منهم دول. انا عايز اخلص من المواد دي باي طريقة. طب وبعدها؟ ان انا اتخرج بقى واشتغل في شركة مالتني ناشيونال بقى - [00:02:22](#)

ويدوني عربية كده يخصموها من المرتب وابقى لابس بدلة كده والكرافته جميلة وابقى كده حاجة كده بريليانته كده وستار كبير في المجتمع وحاجة شخصية مجتمعية ما لهاش حل. طب ربنا رقم كم في اولوياتك؟ - [00:02:32](#)

ربنا رقم كم في اولوياتكم يا شباب؟ ربنا رقم كم في حياتنا يا شباب؟ السؤال الثاني ايه قيمتك في الحياة؟ يعني ايه قيمتك في

الحياة؟ يعني فيه شاب يعتبر انه يبقى بادي بيلد دي امتى - [00:02:45](#)

الحياة كل ما الترايبس والباي والتراي تطلع اكثر كل ما بقى له قيمة في الحياة. كل ما البيض يبقى يتقطع من على عضلاته اكثر. كل ما بقى له قيمة في الحياة. في - [00:02:55](#)

واحدة بتعتبر قيمتها في جمالها وشعرها قد ايه شباب عاكسوها وهي ماشية في الشارع. في واحد بيعتبر قيمته في لبسه في ماركة العربية اللي راكبها في موديل العربية في في الموبايل اللي هو ماسكه. هو الماركة بتاعته ايه في واحد بيعتبر قيمته في الحياة في شهادته في مجموعته. ولكن السلف خلصوها - [00:03:05](#)

قالوا كلمة عرفتك قيمتك في الحياة ايه؟ وعرفوك قيمتك في الحياة ايه؟ كلمة خطيرة بتقول اذا اردت ان تعرف مقامك، عايز تعرف مقامك ناس مقامات. فانظر اين اقامك. فانظر اين اقامك. ربنا اقامك فين؟ ربنا استعملك فين؟ عايزة تعرفي مقامك. عايزة تعرفي انت تساوي - [00:03:25](#)

بتوزيني ايه؟ اين اقامك؟ يعني ساعة التراويح انت في الجامع ولا على الكافيه؟ يعني قبل الفطار انت في الدورة الرمضانية ولا انت في المسجد اقرأ القرآن يعني بالنهار انت بتشتغلي وانت بتشتغل وبتنتج وبتزاور وبتقرا وردك ولا انت نايم وانت نايمه. يعني اخر ساعة في يوم الجمعة - [00:03:45](#)

انت قاعد بتدعي ولا انت في الدورة الرمضانية بتلاعب كرة فريق بنات وفريق شباب؟ ساعة صلاة الجمعة انت على السرير ولا في المسجد بتسمع للامام بالليل متأخر انت في الخيمة الرمضانية ولا انت نايم عشان تصحى تصلي الفجر ولا بتتهجد ولا ساعة قبل الفجر انت قاعد بتتفرج على مقاطع اليوتيوب - [00:04:05](#)

او بتشيت على السوشيال ميديا وعلى الفيس او قاعد مع اصحابك بتشربوا سجائر في العربية ولا انت بتتسحر مع اهلك ورايح الجامع تصلي الفجر فانظر اقوامك. عايز تعرف مقامك انظر ربنا اقامك فين؟ في كل دقيقة. ربنا استعملك النهاردة في ايه؟ ايه العمل الصالح اللي ربنا استعملك فيه النهاردة؟ ايه العمل الصالح اللي ربنا - [00:04:25](#)

فيه الثغر اللي انت لو مت دلوقتي يتفتح بموتك من ثغور نصره دين ربنا. انت تساوي ايه؟ الكلام ده هيترجم في الآخرة. في حاجة اسمها الميزان شباب اسمها الميزان انا الوقتي الدامبلز ممكن اكون بشيل سبعة ونص. ممكن اشيل خمستاشر. ممكن اشيل اتناشر ونص. ممكن اشيل عشرة. ممكن اشيل خمسة - [00:04:45](#)

شريف في اوزان يا جماعة. يوم القيامة على الميزان فيه اوزان كمان. يعني ايه الميزان؟ الميزان حبيب قلبي الغالي. الميزان يا حبيبة قلب رسول الله يعني هتعرفي وزنك الحقيقي عند ربنا - [00:05:05](#)

يوم القيامة هتعرفي وزن عينيك. بصيتي بها الحرام ومقاطع حرام ولا بصيتي بها للقرآن. هتعرف وزن لسانك. اغتبت به واغتبت به ونبيت به. ولا ذكرت به هتعرف وزن رجلك راحت للكافيه وراحت للنادي وراحت لاختلاط وماشية ست ساعات في ساعة الجامعة مع البنت اللي بتحبها و لافي ستوري وشارع الحب وشارع - [00:05:15](#)

فلل ولا مشيت بها لدروس الدين ودروس العلم وصلاة الجماعة. كل واحدة تعرف وزن كل جارحة من جوارحك. ودنك سمعت الكليبات ولا سمعت القرآن كل الميزان ده هتعرف ساعتها وزنك الحقيقي عند الله - [00:05:35](#)

اللي بيقول لك راجل من غير كرش. جوجل من غير سيرش. الكلام ده غلط يا جماعة. لان فيه ناس بتعتبر القيمة في الكشف. فيه ناس كده. زيه زيه هو نفس العقلية. اوعى تفتكروا ان العقلية - [00:05:50](#)

اللي بيعتبر ان القيمة في العضلات. اللي بتعتبر ان القيمة في البوكيت ماني. اللي بيعتبر ان القيمة في الشهادة في المجموع اللي بيعتبر ان القيمة في كليته اللي ان القيمة في موديل عربيته القيمة تاني يا شباب اذا اردت ان تعرف مقامك فانظر اين اقامك. ربنا يبارك فيكم يا شباب ربنا يجوزكم - [00:06:00](#)

ربنا يفرح قلبكم بطاعته وبالنجاح في الدنيا وفي الدين. ربنا يجمعنا جميعا في الفردوس الاعلى مع حبيب الله محمد. صلى الله عليه وسلم. جزاكم الله خير - [00:06:20](#)